

Maki Na Telu Naña

YOANE

Siriyuia

Visayuena Na Tusi Nene

Suniena plas na tusi nini

E maki kiena Yoane na telu, naga pio si naga sape “nasumonena”, a naga siria pa yaru tai, kien kia Kaias, naña naga nasumonena tai na sumare. Mieluar Kaias nene, komin naga miila ke li nalelagaena lala, a pisa pania vena naga ve taveve re p̃elaga kiena yaru viowa tai naña kiena kia Totriņas.

Komņasnen tusi la na nini

Visena p̃esa 1-4

Nasumonena mieluar Kaias 5-8

Nasumonena naga p̃isi kawē visena kiena
Totriņas 9-10

Nasumonena kekaran p̃elaga kiena Timitrias
11-12

Visena maro 13-15

Visena p̃esia

¹ In na yermarua nasumonena nesiri maki nini piņasu, wolai naña Kaias. Pona ita laņasia apieluen ko ke yo, ana nesape nevisa van ko nekekara paņisi na nepitawe ko sina e maki nini,

komin nesitom ko pañisi, taveve ðelaga wo na visena na lelaga kiena Suþe.

² Erau, nekilia sane ko na osuñña ga omloge poga ga silaga komin kioñña malena teke pa e ðimana ne Ntewa rui, ana nemlenwo ko ke silau, vena kioñña yuññaena la wo lue ga silau, a vena inanena ve kila kare re yepemña. ³ Nanagane na pe yam piavi re poli, wenlaita ðasia apim atol e nini, la asunyu pan inu sanape naþa ko na otaveve ke visena na lelaga kiena ne Suþe, okila ke kiena yuññaena wo lala pano-o yar la apisu sane kioñña malena naga mesmes nenaga. Kiela visawalena kila sineu kekara na kekara pañisi. ⁴ Pe sur re si ta naþa kilia kila neloge wo sanene poli, ana pogos naþa nemloge naruu la asuññalu ke ðarera sanene e visena na lelaga kiena ne Suþe, naga nene na nepisu po pañisi.

Kaias naga pe yar tai naþa akilia awasinea

⁵ Erau, potena van ko e yuññaena la naþa omiyuññaen ke pe na iilaen yar la naþa amial ke amio Lologena Wo, pogos naþa apim atol amiu. La apim sane ape wolawa ga lala, ana amiu ðasia amon visuar laena, a ko, ko na okila po pan la pañisi. ⁶ La apim apisawal pan na lelagaena lala e suññare nae e nini rui, asunyu yuññaena wo na kioñña sinesiena. Ana nagane yar taþena si laþasia apim asike amio ko nanagane, ana nepiun tan ko vena ko oiila la ðñena ga. A visae akila yuññaena punu þisi, popon akilia avisuvevelia e narin sur tai, vena iila laena e kiela mrapa, sane mesmesun na kilaen van yar naþa miyuññaen ke yuññaena kiena ne Ntewa.

⁷ Lala nene amialin ga sur nene, pogos naña la apa amlologon ke visena pan yar la naña pe amlelaga re poli wa, la pe sinelan re asape la nene avisuar la e sur tai poli, komin pe amla re Yesu e kiela malena poli wa. ⁸ Ana ita naña temla Yesu e kieta malena, teke e ita narui vena iila laena. Popon teiilaar la, teiila la, vena kilaen sane ita mēna ga teyakolkol temio la, ita punu ga na yumaenen veraga e visena na lelaga kiena ne Supe.

Totriņas naga pisuar sumare pe po re poli

⁹ Pona ko na okilia pa yo rui naña in na nesiri maki panon sur nene pan nalelagaena lala e sumare rui, ana Totriņas nene, naga sinenan pisape ve supen la, naga pe pisu kilale in re poli, naga pe sinenan re yagogonen kiau visena la poli, naga pisawo ke yumaena kiena Supe naña memiyumaen ke ne. ¹⁰ Naga pis ke pañisi, pisa ke visena viowa lala moki pan imimi, pisa kotalia kare imimi pañisi. A pe pis viowa re ga poli, ana miyumaē mēna piowa ga, vanon naña yar la naña akila ke yumaen kiena ne Ntewa amalivin amiu, pe sinenan la re poli, pisape awasupe la sina. A metavan nene, pogos naña amiu pasia apisuar la, amiila la e yumaena naña lala apiminia, a naga sumalu koven plan amiu mēna petan sumare. Sur la naña naga kila ke ne pe memes re nena poli, pogos naña sa nevimasu nekatēn amiu, yoko ita punu ga teva lele taaga tevisaweke tekila ve sanapenia.

¹¹ Erau, nesape nevisa van ko, yar nene kila piowa pan ko pañisi, a piowa ga naña ko mēna

okila si viowa sanene vania. Ve otaveve re ðelaga viowa, ko na monar otaveve ðelaga napo. Yar naþa kila po pan yeririna taþena lala naga pe yeririna kiena ne Ntewa lelaga, ana yar naþa kila piowa pan yar taþena, naga pe pisu re Ntewa poli wa, sike perina wa.

Timitrias naga pe yar wo tai

¹² Ana Timitrias nene, naga yoko iila ko. Yeririna la akekan naga, apisa asape naga miyuñae po paþisi, a visena kiena ne Ntewa pisayu ke ðelaga la naþa sike e kiena malena, pisape po paþisi. Ana in ñena nepisu sane pe yar wo tai, a nekilia sane ko na omlelaga e kiau visena, sane nepisa ke sur lelaga pan ko ne.

Visena maro

¹³ Sur la mokliu navisaen van ko sike ga wa, ana pe sineun re nesiri e ñaki nini poli. ¹⁴ Ana sineun nesape ve yam ve viavi re na neiñasu nevisu amiu, þisi na tekilia tevis van ita e ga e marata.

¹⁵ Sumñare sike amio ko. Kionña erau lala nae e nini asape Ntewa visa ruru ko. Ana awis, ovisa van erau la punu ga naþa amiu asike ne, ovisave Ntewa visa ruru amiu ñena ga.

Nesape naga ga nene yo naþa nesape nevisa, visena maro e nene.

**Lologena Wo Kienane Yesu Kristo Kome
Kewo
The New Testament in the Lewo Language of Epi
Island, Vanuatu
Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 3 Mar 2023 from source files dated 22 Nov 2019

ee028e1c-7e53-571d-8041-681daaf580e8